

Bybelstudie 2: Die Christen getuienis

BYBELSE VERWYSINGS

Verkondig 'n persoon

Die eerste dissipels het getuig oor Jesus se persoon. Hulle het dit maklik gevind om oor Hom te getuig. Netso het ons vandag iets om te deel oor Christus Jesus. Ons elkeen is 'n getuie.

Handelinge 1:8; 8:35; Lukas 24:46-48

Verduidelik die waarheid

Om bekeerlinge te help groei in die geloof is daar sekere feite en sake wat hulle moet bestudeer en wat aan hulle verduidelik moet word. Paulus stel dat dit elke man en vrou se oogmerk moet wees om geestelike volwasse te word in Christus. Dit is belangrik om die Waarheid van die evangelie te leer, verduidelik en verdedig, veral in gemeenskappe waar daar min ingesteldheid is op God en die Bybel.

Kolossense 1:28-29; Handelinge 18:4; 2 Timoteus 2:2

Deel 'n liefde

Agter die boodskap van vereniging is die motiverende krag van Christus se liefde. Hy stuur ons die wêreld in om Sy liefde te verkondig en te deel met mekaar en ander. Soos Paulus sê – ons word *gedring* deur die liefde van Christus om reg te leef.

2 Korintiërs 5:14; 1 Tessalonisense 2:7-13

Konsekwente getuienis

Jesus het gesê dat die kenmerk van Sy dissipelskap, die verteenwoordiging van liefde moes wees. Die dissipels moes die lig vir die wêreld wees, deur hulle woorde, daad en leefstyl. So 'n leefstyl sal die gevolg wees van 'n nuwe lewe in Christus. So sal elke gelowige gereed wees om te getuig op die regte gegewe oomblik.


Johannes 13:34-35; Fillipense 2:14-16; 1 Petrus 3:15

Persoonlike getuienis

Tydens die eerste Christelike vervolgings was die Christene versprei deur Judea en Samaria – behalwe die apostels. Alhoewel hierdie Christene sonder die leierskap van die apostels was, het hulle aangehou om te getuig oor die Christus. Wanneer ons naby aan die Here leef, vind ons dit onmoontlik om Sy goedheid vir onself te hou.

Handelinge 8:1-4; 4:18-20; Psalms 40:10





Gemeenskaplike getuienis

Daar is groot krag en bemoediging daarin om saam te getuig. Daarom het Jesus sy dissipels ook twee-twee uitgestuur. By die uitstorting van die Heilige Gees het al 11 ander apostels saam met Petrus gestaan terywyl hy getuig het. Die boek Handelingte getuig voortdurend dat die vroeë Christene saam gestaan het. Eenheid in verkondiging is 'n kenmerk van 'n kerk wat in Christus werk.

Handelingte 2:14, 42-47; Fillipense 1:27

KERN GEDAGTE(S)

Christelike diens en getuienis is die manier waarop God die werk van Christus voortsit. Deur sy dienaars/volgelinge verkondig Hy steeds die boodskap van redding na die wêreld. Diensbaarheid en getuienis moet nooit 'n swaar plig op gelowiges wees nie. Dit is 'n genade gawe vir die mense wat Jesus ervaar het en ken.

BYBELSTUDIE : Lukas 10: 1-16

Die vertelling van die uitsending van 72 dissipels is die tweede in Lukas (die 12 dissipels word in Lukas 9 gestuur) en net Lukas skryf hieroor. Die 12 dissipels hou paralelle in met die 12 stamme van Israel; die 72 staan in kontras hiermee en word die "ander" genoem. Dit is soms moeilik om direk te identifiseer met die 12, maar ons kan vandag duidelik assosieer met 72 "ander" gestuurde apostels.

1. (v 1) Jesus het sy verteenwoordigers vooruit gestuur soos 'n aankondiger. Wat het/moes hulle aankondig aangaan die koninkryk?
2. Die koninkryk is die heerskappy van God, deur Christus die Koning, in die lewens van sy navolgers oral-oor. Wat is die impak hiervan? Kyk na die definisie in Romeine 14:17. Is dit enigsens verskillend van die verlossende boodskap? Wanneer is/was jy die eerste keer aangeraak deur die koninkryk van God?
3. (v 2) Hier vind ons 'n tweede beeld wat Jesus se getuies beskryf. Hoe moet hierdie beeld ons eie prioriteite en planne beïnvloed? Hoe kan dit ons response op kritici versterk? (vergelyk Matteus 13:38)
4. (v 3) Hier vind ons 'n derde beeld. Watter aspek van Christelike diens en getuienis word beklemtoon? Kan jy moderne voorbeelde noem?
5. (v 4-16) Wat kan ons leer uit die manier 'hoe' die dissipels geris het?

